

2011

STUDENTSKI VODIČ



FAKULTET ZA JAVNU UPRAVU
pridružena članica
UNIVERZITETA U SARAJEVU





STUDENTSKI VODIČ

Pripremili:

Lejla Bajrić, dipl. ecc.
Irvana Uzunović, dipl. pol. sig.
Meliha Mušanović, dipl. upr. org.
Haris Jamaković, dipl. iur.
mr. Emir Tahirović

Izdanje:

Prvo

Izdavač:

FAKULTET ZA JAVNU UPRAVU
pridružena članica
UNIVERZITETA U SARAJEVU

Godina izdanja i štampanja:

2011.

Štampa:

"Štamparija Fojnica" D.D. Fojnica




STUDENTSKI VODIČ FAKULTETA ZA JAVNU UPRAVU U SARAJEVU



STUDENSKI VODIČ FAKULTETA ZA JAVNU UPRAVU U SARAJEVU



FJU FAKULTET ZA JAVNU UPRAVU
pridružena članica
UNIVERZITETA U SARAJEVU

Home | Mapa sajta | 

Upislenici | Studenti | Alumni | Mediji

O FAKULTETU | ORGANIZACIJA | FOTO GALERIJA | PARTNERI | LINKOVI | MEĐUNARODNI ODNOSI

Novosti →

08.04.2011
U pripremi je treći broj časopisa "UPRAVA". Pozivamo potencijalne autore.
[Pročitaj više...](#)

05.04.2011
Fakultet za javnu upravu u Sarajevu - pridružena članica Univerziteta u Sarajevu
[Pročitaj više...](#)

[Sve novosti](#)

STUDIJ
Prvi ciklus
Drugi ciklus
Treći ciklus

NAUČNOISTRAŽIVAČKI RAD
Institut za upravu
Naučni skupovi
Učešće u projektima

PRAVILA
Referentni dokumenti
Pravila studiranja
Statut i Etički kodeks

ALUMNI FJU
FJU karijere
Promocije
Klub Alumni FJU

OSIGURANJE KVALITETA
Ciljevi
Politika kvaliteta
Strategija

CJELOŽIVOTNO UČENJE
O cjeloživotnom učenju
Dosadašnji seminari
Budući seminari

Login →
Korisnik:
Šifra:



**STUDENTSKI VODIČ
FAKULTETA ZA JAVNU UPRAVU U SARAJEVU**

SADRŽAJ

UVOD.....	6
OSNOVNI PODACI O FAKULTETU.....	9
POZDRAVNA RIJEČ PRODEKANA.....	10
ORGANIZACIONA ŠEMA FAKULTETA.....	13
ASOCIJACIJA STUDENATA FAKULTETA ZA JAVNU UPRAVU.....	14
KOME SAVJETUJEMO STUDIJ NA FAKULTETU ZA JAVNU UPRAVU.....	15
USLOVI ZA UPIS NA FAKULTET ZA JAVNU UPRAVU.....	16
- Stjecanje statusa studenta na Fakultetu za javnu upravu.....	16
- Kriteriji za izbor prijavljenih kandidata.....	17
- Upis studenata.....	18



STUDENTSKI VODIČ FAKULTETA ZA JAVNU UPRAVU U SARAJEVU

ZNANJE I VJEŠTINE KOJE STUDENTI STIČU TOKOM STUDIJA.....	19
TRAJANJE DODIPLOMSKOG STUDIJA.....	20
STRUČNI NAZIV (TITULA).....	21
MEĐUNARODNA RAZMJENA STUDENATA I NASTAVNOG OSOBLJA.....	22
BIBLIOTEKA.....	23
- Način korištenja bibliotečkog fonda	24
ČASOPISI U IZDANJU FAKULTETA ZA JAVNU UPRAVU.....	26
NASTAVNI PLAN DODIPLOMSKOG STUDIJA.....	28
- Predmeti koji se izučavaju na dodiplomskom studiju po godinama i sa bodovima.....	30
ORGANIZACIJA NASTAVE U AKADEMSKOJ GODINI.....	34
PROVJERA ZNANJA – ISPITI.....	36
- Oblici provjere znanja.....	36



**STUDENTSKI VODIČ
FAKULTETA ZA JAVNU UPRAVU U SARAJEVU**

- Ocjenjivanje.....	39
- Pravo prigovora na ocjenu.....	40
PONAVLJANJE STUDIJSKE GODINE.....	41
PODRUČJA ZAPOŠLJAVANJA SVRŠENIH STUDENATA FAKULTETA ZA JAVNU UPRAVU.....	42



STUDENTSKI VODIČ FAKULTETA ZA JAVNU UPRAVU U SARAJEVU



UVOD

Javna uprava predstavlja onaj dio države sa kojim građani svakodnevno komuniciraju. Radi se o ansamblu institucija koje su danas sve značajnije u ukupnom društvenom, političkom i pravnom pogledu. Upravo, razvoj moderne ekonomije i tržišta nametnuo je potrebu za povećanjem značaja javne uprave i povećanjem broja organa koji vrše njene funkcije. Međutim, uprava je, bez obzira na velike promjene koje su nastupile u pogledu značaja njene društvene uloge sve do nedavno bila u



STUĐENSKI VODIČ FAKULTETA ZA JAVNU UPRAVU U SARAJEVU

Isključivom domenu prava i izučavala se samo u okviru upravnog prava. U novije doba u svim zemljama Evrope problematika javne uprave izašla je iz okvira pravnog pristupa i postala je samostalna disciplina koja, naravno, uz svoje nezaobilazne pravne aspekte obuhvata i svoju širu političku, ekonomsku, psihološku, etičku i drugu dimenziju. Istovremeno, u akademskoj sferi javile su se i potrebe da se formiraju posebne visokoškolske institucije koje se bave svim vidovima organizacije i djelovanja moderne javne uprave. U tom kontekstu treba posmatrati i otvaranje Fakulteta za javnu upravu u Sarajevu kao prvu takvu instituciju u državi Bosni i Hercegovini.

Fakultet za javnu upravu najmlađa je visokoškolska institucija ovakvog tipa u Bosni i Hercegovini. Osnovan je 2005. godine od strane Qualitasa d.o.o - Centra za edukaciju i kvalitet, te kao ustanova upisana u sudski registar pravnih osoba Općinskog suda u Sarajevu.

Otvaranjem Fakulteta ove vrste otklonila se velika praznina u našem obrazovnom sistemu koja se javila u periodu tranzicije same javne uprave u bosanskohercegovačkom društvu, ali i samog društva. Fakultet za javnu upravu fokusiran je na stvaranju specijaliziranih kadrova koji će



STUDENTSKI VODIČ FAKULTETA ZA JAVNU UPRAVU U SARAJEVU

doprinijeti da se oblast javne uprave uspješno prilagodi zahtjevima i potrebama vremena u kojem živimo.

Kroz svoj dosadašnji razvoj, Fakultet za javnu upravu izgradio je značajnu obrazovnu i organizacijsku infrastrukturu koja je dostupna studentima kao podrška obrazovnom procesu. Kao jednu od velikih uspjeha ovog Fakulteta i dokaz sposobnosti nastavnog i nenastavnog osoblja ovog Fakulteta navest ćemo da je naš Fakultet ove godine postao pridružena članica Univerziteta u Sarajevu te postao jedinstvena institucija ovakvog tipa u Bosni i Hercegovini. Ovakav status Fakulteta predstavlja veliki doprinos akademskoj zajednici ali prije svega našim studentima i profesorima ovog Fakulteta.

Da bi olakšali Vama, našim budućim studentima, u snalaženju u nizu pravilnika, uputa i drugih dokumenata, te kako biste bili u mogućnosti da lakše i brže koristite sve dostupne resurse i da ostvarite sva prava koja Vam pripadaju kao studentu Fakulteta za javnu upravu priredili smo ovaj vodič. On predstavlja kratak i sažet referentni prikaz postojećih aktivnosti Fakulteta, te na jednom mjestu nastoji odgovoriti na većinu Vaših potencijalnih pitanja.



**STUDENTSKI VODIČ
FAKULTETA ZA JAVNU UPRAVU U SARAJEVU**

OSNOVNI PODACI O FAKULTETU ZA JAVNU UPRAVU

Fakultet za javnu upravu, pridružena članica Univerziteta u Sarajevu

Ul. Patriotske lige broj 41, 71 000 Sarajevo

Tel.: +387 (0) 33 553-835 i (0) 33 553-837; **fax:** +387 (0) 33 554-146

Web: www.fju.edu.ba ; **e-mail:** fakultet@fju.edu.ba

Dekan: prof. dr Nusret Mujagić, fakultet@fju.edu.ba

Prodekan: doc. dr Amina Hadžibegić – Bicciato, prodekan@fju.edu.ba

Sekretar fakulteta: Haris Jamaković, dipl. iur., sekretar@fju.edu.ba

Šef računovodstva: Lejla Bajrić, dipl. ecc., racunovodstvo@fju.edu.ba

Referent studentske službe: Fadila Smajić , studentskaslužba@fju.edu.ba





**STUDENSKI VODIČ
FAKULTETA ZA JAVNU UPRAVU U SARAJEVU**

POZDRAVNA RIJEČ PRODEKANESE

Dragi studenti/ce,

Čast mi je i zadovoljstvo poželiti vam dobrodošlicu na Fakultet za javnu upravu u Sarajevu, i čestitati vam na izboru koji ste napravili. FJU je najmlađa, a i jedina ove vrste, visokoškolska ustanova u Sarajevu. Svrha otvaranja ovog Fakulteta 2005. godine, koji je vremenom ispunio mnoge značajne ciljeve, je bila da se naučno sagleda mjesto javne uprave u modernom bosanskohercegovačkom društvu, ali i svijetu općenito. Jedno od najbitnijih razlikovnih svojstava FJU-u jeste da je pridruženi član Univerziteta u Sarajevu, kao i činjenica da je studij organiziran po modelu 4+1+3.

Na FJU je do sada diplomu prvog ciklusa studija steklo 128 studenata. Vi ste VI. generacija studenata upisanih prema novom evropskom konceptu studija. Bolonjski proces studiranja podrazumijeva stalno prisustvovanje nastavnim aktivnostima; sistem je bodovni što podrazumijeva

A blue circular graphic containing a white lightbulb icon with rays emanating from it, symbolizing an idea or knowledge.

STUDENTSKI VODIČ FAKULTETA ZA JAVNU UPRAVU U SARAJEVU

bodovanje prisustva i učestvovanja u nastavnom procesu, testovima i završnoj provjeri znanja. Sve nastavne aktivnosti se vrednuju i sabiru. Ovakav nastavni proces podrazumijeva i interaktivnost, odnosno, koherentnu saradnju u svim oblicima nastave između studenata i nastavnog osoblja. Također, od vas se očekuje da budete permanentno angažirani u nastavnom procesu. Nauka je način prikupljanja i obrađivanja spoznaja kroz organiziran i sistematičan proces, a naučni proces je sistematsko sakupljanje znanja o nekom sustavu ili predmetu proučavanja. Nauka je pokretač razvoja društva u cjelini, a vi budući akteri tog razvoja i promjena. Studij koji ste upisali omogućit će vam da stičete znanja kroz kompleksne kognitivne procese, a onda će vam stečeno znanje pomoći da razumijete i materijalnu i duhovnu stvarnost društva. Nastavni programi su definisani tako da ćete steći znanja iz ekonomskih, pravnih i humanističkih znanosti, s ciljem da vam omogućimo globalnu konkurentnost.

Želimo vam uspjeh i zadovoljstvo u radu i učenju. Naša težnja je da rezultate svog rada vidimo u uspješnim mladim ljudima, članovima naše velike akademske zajednice. Nastavno osoblje FJU-u



STUDENTSKI VODIČ FAKULTETA ZA JAVNU UPRAVU U SARAJEVU

uživa ugled u široj akademskoj zajednici i ulaže napore da vas stavi pred izazove kako bi vas se motivisalo da pomjerite sopstvene granice u razmišljanju i učenju.

Ovo je, stoga, vaša prilika da se iskažete u jednoj od najkompleksnijih oblasti moderne države – javnoj upravi.

Nakon završenog prvog ciklusa stičete zvanje Bachelor/Bačelor uprave, nakon drugog Magistar uprave a po završenom trećem ciklusu zvanje Doktor upravnih nauka.

Stečene diplome će vam omogućiti zaposlenje u organima državne uprave, javnim preduzećima i ustanovama, i svim institucijama iz domena uprave. Magistar uprave je osposobljen za poslove na vrlo složenim zadacima u državnoj službi kao i rukovodećim mjestima na svim nivoima vlasti.


PRODEKANESA

Doc. dr Amina Hadžibegić - Bicciato



STUDENSKI VODIČ FAKULTETA ZA JAVNU UPRAVU U SARAJEVU

ORGANIZACIONA ŠEMA FAKULTETA





STUĐENSKI VODIČ FAKULTETA ZA JAVNU UPRAVU U SARAJEVU

ASOCIJACIJA STUDENATA FAKULTETA ZA JAVNU UPRAVU

Asocijacija studenata Fakulteta za javnu upravu formirana je 2011. godine i kao takva članica je Studentskog Parlamenta Univerziteta u Sarajevu (SPUS). Sve informacije o SPUS –u možete naći na njihovoj web stranici www.spus.ba a sve ostale informacije vezane za studentsku asocijaciju Fakulteta za javnu upravu možete naći na našoj web stranici.





STUDENTSKI VODIČ FAKULTETA ZA JAVNU UPRAVU U SARAJEVU

KOME SAVJETUJEMO STUDIJ NA FAKULTETU ZA JAVNU UPRAVU

Kroz uvažavanje standarda savremenog visokog obrazovanja, studijski program na Fakultetu za javnu upravu obezbjeđuje takav nivo stručnih znanja, metodološke osposobljenosti i stručnih kompetencija bachelora uprave koji će osigurati kvalitetno i profesionalno uključivanje u rad državnih organa uprave i institucija koje raspolažu javnim ovlaštenjima, drugim javnim službama, kao i sektorima upravljanja drugih organizacija i udruženja, uz profesionalno obavljanje svog poziva.

Stoga, za maturante koji žele da studiraju na fakultetima društvenih nauka, koji imaju dobre organizatorske i komunikološke sposobnosti, i koji su inovativni i spremni na timski rad, Fakultet za javnu upravu je pravi izbor.



STUDENSKI VODIČ FAKULTETA ZA JAVNU UPRAVU U SARAJEVU

USLOVI ZA UPIS NA FAKULTET ZA JAVNU UPRAVU

Stjecanje statusa studenta na Fakultetu za javnu upravu

Status studenta Fakulteta za javnu upravu stiže se upisom u prvu studijsku godinu. Uslov za upis je završena četverogodišnja srednja škola i prijava na Konkurs za upis koji objavljuje Univerzitet u Sarajevu i Fakultet za javnu upravu u junu svake godine. Konkurs za upis studenata u prvu studijsku godinu objavljuje se na web-stranici Fakulteta, dnevnoj štampi, kao i na oglasnoj ploči Fakulteta, uz prethodnu saglasnost Ministarstva, i to najkasnije dva mjeseca prije početka studijske godine.

Pravo učešća na Konkursu imaju kandidati državljani BiH, te strani državljani sa završenom srednjom školom u četverogodišnjem trajanju u BiH, kao i kandidati koji su srednju školu završili izvan BiH, a za koje je nakon postupka nostrifikacije, odnosno ekvivalencije utvrđeno da imaju završeno odgovarajuće srednje obrazovanje.



STUDENTSKI VODIČ FAKULTETA ZA JAVNU UPRAVU U SARAJEVU

Kriteriji za izbor prijavljenih kandidata

Fakultet za javnu upravu upisuje utvrđeni broj studenata prema općem i pojedinačnom kriteriju. Rangiranje kandidata vrši se na osnovu ukupnog broja bodova ostvarenih prema slijedećim kriterijima:

- 1. opći kriterij** odnosi se na postignuti uspjeh u srednjoj školi u sva četiri razreda i uspjeh na diplomskom ispitu (zbir ocjena);
- 2. pojedinačni kriterij** odnosi se na prosjek ocjena iz predmeta maternji jezik iz sva četiri razreda i uspjeh na diplomskom ispitu (zbir ocjena)

Prilikom upisa u prvu godinu studija Fakulteta zaključuje se ugovor između studenta i Fakulteta kojim se regulišu međusobna prava i obaveze.

Dokumenti potrebni za upis studenta na redovni ili vanredni studij na Fakultetu za javnu upravu u Sarajevu su:



STUDENTSKI VODIČ FAKULTETA ZA JAVNU UPRAVU U SARAJEVU

- Diploma o završenoj srednjoj školi
- Svjedodžbe o završenim razredima srednje škole (I, II, III i IV razred)
- Izvod iz matične knjige rođenih (ne stariji od šest mjeseci)
- Uvjerenje o državljanstvu (ne starije od šest mjeseci)
- Dvije fotografije za Index dimenzija 4x6 cm
- Uvjerenje o položenim ispitima (za prepis sa drugih fakulteta)

Upis studenata

Upis studenata koji su primljeni na studij Fakulteta za javnu upravu obavlja se do roka kojeg, u skladu sa akademskim kalendarom Univerziteta u Sarajevu i Fakulteta za javnu upravu, utvrđuje Služba za rad sa studentima Fakulteta.



ZNANJE I VJEŠTINE KOJE STUDENTI STIČU TOKOM STUDIJA

Odbranom završnog/diplomskog rada odnosno okončanjem prvog ciklusa studija na Fakultetu za javnu upravu u Sarajevu stječe se zvanje bachelora uprave.

Znanja i stručne kompetencije koje stiču Bachelori uprave omogućavaju kvalitetno i profesionalno uključivanje u rad u organima državne uprave, javnim preduzećima te u ustanovama koje raspolažu javnim ovlaštenjima, kao i u drugim institucijama u kojima se traži rad na upravnom rješavanju i drugim organizacijskim i rukovodećim poslovima.



TRAJANJE DODIPLOMSKOG STUDIJA

Prvi ciklus studija organizira se i izvodi u skladu sa pravilima zasnovanim na evropskom sistemu prijenosa bodova (ECTS). Fakultet za javnu upravu, kao bazna institucija za formiranje novih akademskih generacija sposobnih za podržavanje reformskih programa i projekata u oblasti javnog i privatnog sektora, uprave Bosne i Hercegovine u procesu pridruživanja Evropskoj uniji, uvodi četverogodišnji prvi ciklus studija (osam semestara).

Kroz prvi ciklus studija Fakultet za javnu upravu opredjeljuje se da bude akademski nosilac i faktor doprinosa napretku BiH u ispunjenju evropskih zahtjeva i prioriteta. Uvažavanjem standarda savremenog visokog obrazovanja, ovaj studijski program treba da obezbjedi takav nivo stručnih znanja, metodološke osposobljenosti i stručnih kompetencija bachelora (bačelera) uprave koji će



**STUDENTSKI VODIČ
FAKULTETA ZA JAVNU UPRAVU U SARAJEVU**

osigurati kvalitetno i profesionalno uključivanje u rad državnih organa uprave i institucija koje raspolažu javnim ovlaštenjima, drugim javnim službama, kao i sektorima upravljanja drugih organizacija i udruženja, uz profesionalno obavljanje svog poziva.

STRUČNI NAZIV (TITULA)

Odbranom završnog/diplomskog rada odnosno okončanjem prvog ciklusa studija na Fakultetu za javnu upravu u Sarajevu, stječe se zvanje bachelora (bačelera) uprave, sa osvojenih 240 ECTS kredita.



STUDENTSKI VODIČ FAKULTETA ZA JAVNU UPRAVU U SARAJEVU

MEĐUNARODNA RAZMJENA STUDENATA I NASTAVNOG OSOBLJA



Od samog početka svoga rada Fakultet za javnu upravu je ostvarivao uspješne kontakte sa raznim fakultetima i univerzitetima iz okruženja i Evrope. Takva vrsta saradnje doprinijela je da naši studenti i nastavno osoblje odlaze na studijske razmjene. Do sada naši studenti i profesori su posjećivali Visoku školu za upravu i pravnu regulativu pokrajine Bayern, Savezna Republika Njemačka - Fachhochschule für öffentliche Verwaltung und Rechtspflege in Bayer, i Fakultet za upravo Univerziteta u Ljubljani. Također, Fakultet za javnu upravu kroz programe TEMPUS, ERASMUS i BASILEUS učestvuje u razmjeni studenata i nastavnog osoblja.



STUĐENSKI VODIČ FAKULTETA ZA JAVNU UPRAVU U SARAJEVU

BIBLIOTEKA

Biblioteka Fakulteta za javnu upravu namijenjena je potrebama izvođenja i unapređenja nastavnog



i naučno - istraživačkog rada na Fakultetu, tako da njenu građu koriste studenti, nastavno osoblje Fakulteta, kao i stalni i povremeni saradnici Fakulteta.

Svojom sadržinom fond biblioteke zadovoljava kriterije nastavno - naučnog procesa Fakulteta za javnu upravu.

Biblioteka Fakulteta za javnu upravu nastala je kada je nastao i fakultet 2005. godine. Biblioteka trenutno

raspolaže sa 6375 bibliotečkih jedinica.



STUDENTSKI VODIČ FAKULTETA ZA JAVNU UPRAVU U SARAJEVU

Način korištenja bibliotečkog fonda

- Bibliotečki fond mogu koristiti studenti fakulteta, nastavnici i saradnici Fakulteta za javnu upravu.
- Studenti iznajmljuju knjige na osnovu svoga indeksa.
- Rezervisane knjige moguće je podići u periodu od sedam dana ukoliko su rezervisane knjige na raspolaganju.
- Istovremeno se može koristiti više knjiga, ali je student dužan da nakon polaganja ispita iste vrati u biblioteku.
- Korisnik je dužan pažljivo postupati sa građom koja mu je data na korištenje.
- U vlastitom interesu korisnik treba prilikom prijema naručene građe pogledati njeno stanje i eventualna oštećenja prijaviti odmah.
- Ako se utvrdi da je korisnik oštetiо građu, dužan je nadoknaditi štetu.

A blue circular icon containing a white lightbulb with rays emanating from it, symbolizing an idea or a tip.

STUDENTSKI VODIČ FAKULTETA ZA JAVNU UPRAVU U SARAJEVU

Ukoliko je korisnik izgubio povjerenu knjigu istu je dužan platiti u onom iznosu koliko izgubljena knjiga košta.

Radno vrijeme biblioteke: ponedjeljak i utorak od 8.00 do 19.00, ostalim radnim danima od 8.00 do 16.00 sati



STUDENTSKI VODIČ FAKULTETA ZA JAVNU UPRAVU U SARAJEVU

zahtjevima i ciljevima koji pred nju postavljaju prije svega građani, a onda i sve društvene i političke organizacije.

Javna uprava može imati funkcionalnu organizaciju samo onda kada su funkcionalne i sve druge institucije države koje opslužuje.

Ponuđeni tekstovi u časopisu „UPRAVA“ pokazuju akademsku upućenost autora u tretiranju veoma važnog pojmovnog aparata poput: „država“, „pravo“, „nevladine organizacije“, „uprava“, „makroekonomska politika“, „jezička politika“ itd., a osim toga u naučno – teorijskom dijelu nude valjana praktična rješenja problematike pobrojanih fenomena.



**STUDENTSKI VODIČ
FAKULTETA ZA JAVNU UPRAVU U SARAJEVU**

NASTAVNI PLAN DODIPLOMSKOG STUDIJA

Fakultet organizira i izvodi dodiplomski studij iz naučnih i stručnih oblasti javne uprave za koje je akreditiran.

Nastavni plan i program po kojem radi Fakultet za javnu upravu daje potrebna teoretska, i metodološka znanja, koja su potrebna za nastavak studija na drugom stepenu. Ovaj plan i program je univerzalan jer nudi jaku praktičnu naobrazbu uz vrlo dinamičnu teorijsku podlogu kako bi osposobila stručnjake za rad, kako na svim poslovima javne uprave tako i na odgovornim mjestima u privatnim kompanijama. U program su ugrađeni svi elementi savremene uprave tako da student educirajući se na našem Fakultetu stiče znanja iz pravnih, ekonomskih, informatičkih nauka te stranog jezika.



STUDENTSKI VODIČ FAKULTETA ZA JAVNU UPRAVU U SARAJEVU

Kroz prvi ciklus studija Fakultet za javnu upravu opredjeljuje se da bude akademski nosilac i faktor doprinosa napretku BiH u ispunjenju evropskih zahtjeva i prioriteta. Uvažavanjem standarda savremenog visokog obrazovanja, ovaj studijski program treba da obezbjedi takav nivo stručnih znanja, metodološke osposobljenosti i stručnih kompetencija bachelora (bačelera) uprave koji će osigurati kvalitetno i profesionalno uključivanje u rad državnih organa uprave i institucija koje raspolažu javnim ovlaštenjima, drugim javnim službama, kao i sektorima upravljanja drugih organizacija i udruženja, uz profesionalno obavljanje svog poziva.



STUDENTSKI VODIČ FAKULTETA ZA JAVNU UPRAVU U SARAJEVU

Predmeti koji se izučavaju na dodiplomskom studiju po godinama i sa bodovima

I GODINA	ECTS
Teorija države	6
Teorija uprave	6
Osnovi ekonomije	6
Informatika u upravi	4
Engleski jezik I	6
Izborni predmet	2
Ustavno pravo	8
Osnovi statistike u upravi	6
Organizacija javnog sektora	4
Historija uprave	6
Etika u upravi	4
Izborni predmet	2
IZBORNI PREDMETI	ECTS
Sociologija uprave	2
Sport i zdravlje	2
Demokracija i ljudska prava	2



STUDENTSKI VODIČ FAKULTETA ZA JAVNU UPRAVU U SARAJEVU

II GODINA	ECTS
Upravno pravo	8
Osnove makroekonomije u upravi	4
Ekonomika javnih preduzeća i ustanova	6
Upravljanje ljudskim resursima u upravi	6
Osnove građanskog prava	4
Izborni predmet	2
Javne finansije	8
Pravno uređenje javne uprave	6
Informatizacija poslovnih procesa i e-uprava	4
Ekonomika javnog sektora	6
Engleski jezik II	4
Izborni predmet	2
IZBORNI PREDMETI	ECTS
Marketing u javnom sektoru	2
Javne nabavke	2
Upravljanje kvalitetom u javnom sektoru	2



STUDENSKI VODIČ FAKULTETA ZA JAVNU UPRAVU U SARAJEVU

III GODINA	ECTS
Upravni postupak i upravni spor	8
Službeničko pravo i radni odnosi u upravi	6
Upravni postupak u agencijama za provođenje zakona	4
Engleski jezik u upravi	6
Lokalna samouprava	6
Izborni predmet	2
Posebni upravni postupci	6
Prostorno uređenje i građenje	6
Socijalna zaštita	6
Kancelarijsko poslovanje i arhivistika	6
Poreski postupak	4
Izborni predmet	2
IZBORNI PREDMETI	ECTS
Osnove menadžmenta u javnom sektoru	2
Pravo zaštite okoliša	2
Nova javna uprava	2



STUDENTSKI VODIČ FAKULTETA ZA JAVNU UPRAVU U SARAJEVU

IV GODINA	ECTS
Metodologija istraživanja u upravi	6
Uporedni upravni sistemi	6
Evropsko upravno pravo	6
Poslovno komuniciranje u upravi	4
Upravna praksa	6
Menadžment neprofitnih organizacija	2
Zemljišnoknjižno pravo	4
Upravljanje investicijama u javnom sektoru	6
Nomotehnika	4
Javne službe	6
Izborni predmet	2
Završni rad	8
IZBORNI PREDMET	ECTS
Donošenje poslovnih odluka u javnom sektoru	2
Sindikalno pravo	2



**STUDENTSKI VODIČ
FAKULTETA ZA JAVNU UPRAVU U SARAJEVU**

ORGANIZACIJA NASTAVE U AKADEMSKOJ GODINI

Fakultet organizuje i realizuje prvi ciklus studija iz oblasti uprave. Studijski program prvog ciklusa podijeljeni je na studijske godine i semestre.

U skladu sa (E)CTS, obim studijskog programa iznosi 60 (E)CTS studijskih bodova u jednoj studijskoj godini, odnosno 30 (E)CTS studijskih bodova u jednom semestru. Studij prvog ciklusa traje četiri godine, a vrednuje se sa 240 (E)CTS studijskih bodova.

Akadska godina se organizira u dva semestra: zimski i ljetni. Nastava u zimskom semestru počinje trećeg ponedjeljka u septembru i traje 16 sedmica (15 sedmica kontinuiranih aktivnosti i jedna sedmica za završne ispite). Dopunska nastava i popravni ispiti organiziraju se nakon zimskog semestra i traju najduže četiri sedmice. Ovjera zimskog i upis ljetnog semestra (i zimski odmor) traju dvije sedmice.



STUDENTSKI VODIČ FAKULTETA ZA JAVNU UPRAVU U SARAJEVU

Nastava u ljetnom semestru počinje trećeg ponedjeljka u februaru i traje 16 sedmica (15 sedmica kontinuiranih aktivnosti i jedna sedmica za završne ispite). Dopunska nastava i popravni ispiti organizuju se nakon ljetnog semestra i traju najduže četiri sedmice. Ljetni odmor i ostale nastavne i vannastavne aktivnosti (organizovanje dopunske - dodatne nastave, ljetna škola, i sl.) uključujući i oblike provjere znanja traju ukupno sedam sedmica. Fakultet organizira jedan dodatni ispitni rok sa jednim ispitnim terminom u zadnjoj sedmici augusta i prve dvije sedmice septembra. Ovjera ljetnog i upis zimskog semestra traje dvije sedmice.

Tačan kalendar organizacije i realizacije studijskog programa za studijsku godinu utvrđuje i objavljuje nastavno - naučno vijeće Fakulteta, najkasnije 60 dana prije početka nastave u studijskoj godini.

Nastava se organizira i izvodi prema utvrđenom rasporedu sati. Fakultet će objaviti raspored sati najkasnije 10 dana prije početka nastave.



STUDENTSKI VODIČ FAKULTETA ZA JAVNU UPRAVU U SARAJEVU

PROVJERA ZNANJA – ISPITI

Provjere znanja se organiziraju u terminima utvrđenim za izvođenje nastave iz predmeta iz kojih je predviđena provjera znanja.

Oblici provjere znanja

Oblici provjere znanja mogu biti usmeni, pismeni i praktični, a način ispitivanja određuju nastavnici na predmetima. Pismena provjera se po pravilu vrši putem testa ili pismenog rada a rezultati se čuvaju do početka sljedeće školske godine. Rad studenata prati se i ocjenjuje kontinuirano u toku jednog semestra. Ocjenjivanje se vrši dodjeljivanjem bodova za svaki oblik aktivnosti i





STUDENTSKI VODIČ FAKULTETA ZA JAVNU UPRAVU U SARAJEVU

provjere znanja u toku semestra (prisustvo, zainteresovanost i angažman na svim vidovima nastave; kolokviranje i polaganje vježbi; ulazni testovi za vježbe; testovi iz određenih oblasti predmeta; seminarski radovi i sl.) i na završnom ispitu, na kojem se utvrđuje konačna ocjena.

Ispiti se obavljaju u ispitnim rokovima i to:

- redovnom ispitnom roku koji se održava u prvoj sedmici nakon 15 sedmica kontinuirane nastave u semestru,
- popravnom ispitnom roku koji se održava u prvoj sedmici nakon održane dopunske nastave.

Termini za održavanje ispita se objavljuju najkasnije sedam dana prije dana održavanja ispita.

Ispiti se organiziraju tako da student može biti opterećen polaganjem najviše jednog ispita u istom danu. Ispit i svi oblici provjere znanja su javni.

The image features a lightbulb icon inside a blue circle, which is part of a larger blue graphic element in the top left corner. The lightbulb is white with a yellow glow, and the circle is semi-transparent blue.

STUDENTSKI VODIČ FAKULTETA ZA JAVNU UPRAVU U SARAJEVU

Dva parcijalna ispita (testa) rade se pismeno u periodu od 1-15.10 i 1-15.11 za zimski semestar i od 1-15.3. i 1-15. 4. za ljetni semestar. Ocjene iz parcijalnih provjera ulaze u konačnu ocjenu i uzimaju se u obzir na završnom ispitu.

Završni ispiti se obavljaju u toku posljednje sedmice nastave u semestru ili u prvoj sedmici nakon završene nastave. Studenti koji ne polože ispit (ne zadovolje) u regularnom (redovnom) roku mogu polagati popravni ispit iz predmeta koji nisu položili na kraju jednog semestra. Između regularnog (prvog) i popravnog ispitnog roka nastavnici i saradnici će konsultacijama, a po potrebi i dopunskom nastavom pomoći studentima da se pripreme za popravni ispit.



Ocjenjivanje

Konačna ocjena formira se na osnovu zbira ostvarenih bodova na predispitnim aktivnostima i završnom/popravnom ispitu, u skladu sa sljedećom skalom:

- 10 (A) - (izuzetan uspjeh sa neznatnim greškama) nosi 95-100 osvojenih bodova,
- 9 (B) - (iznad prosjeka, sa ponekom greškom) nosi 85-94 osvojenih bodova,
- 8 (C) - (prosječan, sa primjetnim greškama), nosi 75-84 osvojenih bodova,
- 7 (D)- (općenito dobar, ali sa značajnim nedostacima), nosi 65-74 osvojenih bodova,
- 6 (E)- (zadovoljava minimalne kriterije), nosi 55-64 osvojenih bodova,
- 5 (F, FX) - (potrebno znatno više rada), ispod 55 bodova.

U slučaju da niti jedan student ne postigne 95 bodova, što predstavlja donji prag za ocjenu 10, skala iz prethodnog stava može se korigovati prema najboljem postignutom uspjehu, na prvom ispitnom roku.



STUDENTSKI VODIČ FAKULTETA ZA JAVNU UPRAVU U SARAJEVU

Pravo prigovora na ocjenu

Student koji nije zadovoljan postignutom ocjenom može u roku od 24 sata nakon saopćenja ocjene pismeno tražiti ponavljanje ispita pred komisijom dostavljajući pismeni zahtjev Službi za rad sa studentima naslovljen na dekana. Student može tražiti komisijski ispit najviše dva puta u toku jedne studijske godine, podnošenjem zahtjeva za ponavljanje ispita koji mora biti obrazložen.

Dekan imenuje predsjednika i dva člana komisije u roku od 24 sata od primitka zahtjeva ako ocjeni da je zahtjev opravdan, s tim da jedan član komisije mora biti iz drugog nastavnog predmeta, a ispitivač s čijom ocjenom student nije zadovoljan ne može biti predsjednik komisije. Zahtjev za ponavljanje ispita mora biti obrazložen. Dekan određuje vrijeme polaganja ispita u roku od tri dana od podnošenja zahtjeva studenta. Komisija, može donijeti ocjenu na bazi samo pismenog ispita i rada u toku nastave i vježbi ili obaviti i usmeni dio ispita. Na odluku komisije može se izjaviti žalba dekanu Fakulteta.



**STUDENTSKI VODIČ
FAKULTETA ZA JAVNU UPRAVU U SARAJEVU**

PONAVLJANJE STUDIJSKE GODINE

Studenti mogu prenijeti u narednu godinu studija unutar jednog ciklusa studija najviše (6) šest (E)CTS studijskih bodova-kredita, ili najviše jedan ne polozeni predmet, ukoliko on nosi više od (6) šest (E)CTS studijskih bodova – kredita, pod uslovom da nepolozeni predmet koji se prenosi u narednu studijsku godinu nije preduslov za slušanje drugog predmeta u narednoj studijskoj godini. Student koji obnavlja studijsku godinu obavezan je ponovo prisustvovati realizaciji nastave iz predmeta koje nije položio.

Prilikom ponovnog upisa predmeta, zbog nedovoljnog broja (E)CTS studijskih bodova - kredita iz stava 1. ovog člana, student je dužan izvršiti uplatu odgovarajuće naknade, čiju visinu, svojom odlukom, utvrđuje Upravni odbor Fakulteta.

PODRUČJA ZAPOŠLJAVANJA SVRŠENIH STUDENTA FAKULTETA ZA JAVNU UPRAVU

Svršeni studenti Fakulteta za javnu upravu osposobljeni su za rad u organima državne uprave, javnim preduzećima, te u ustanovama koje raspolažu javnim ovlaštenjima, kao i u drugim institucijama u kojima se traži rad na upravno – pravnim i drugim organizacijskim i rukovodećim poslovima. Također osposobljeni su za rad na poslovima planiranja budžeta, praćenje plana i procjenu ekonomskog stanja preduzeća, obavljanju računovodstvenih poslova kao i drugih administrativnih poslova.



